

ԲԱՆԱՎԵՃԵՐ ԵՎ ՔՆՆԱՐԿՈՒՄՆԵՐ ДИСКУССИИ И ОБСУЖДЕНИЯ

Կ. ՄԱՐՔՍԻ ԿԱՊԻՏԱԼԻ ՆԱԽԱՍԿՋԲՆԱԿԱՆ ԿՈՒՏԱԿՄԱՆ ՏԵՍՈՒԹՅԱՆ ՇՈՒՐՋԸ

Ա. Մ. ԵՂԻԱՋԱՐՅԱՆ

1. Հայկական վերածնության և X—XIII դդ. Հայաստանում կապիտալի նախասկզբնական կուտակման բանավեճի ընդադր: Մի քանի տարի է, ինչ բանավեճ է գնում Հայկական վերածնության և այդ կապակցությամբ Հայաստանում իրր տեղի ունեցած կապիտալի նախասկզբնական կուտակման մասին¹:

Բանավեճը անշուշտ ունեցավ իր դրական արդյունքները. դրված հարցի բացասական կամ դրական լուծմանը հանգելու համար մեր պատմաբանները, արվեստագետները, փիլիսոփաները, տնտեսագետները, գրականագետները զգալի ջանքեր թափեցին հետազոտելու մատենագրական աղբյուրները, պեղումների արդյունքները, վաղ և ուշ միջնադարի դրականությունը, փիլիսոփայությունը, ճարտարապետությունը, բժշկությունը և նոր լույս սփռելու Հայաստանի X—XIII դդ. պատմության վրա: Բանավեճը հետաքրքրություն առաջ բերեց մեր գիտական հասարակայնության շրջաններում:

Իր վերջին ելույթում ընկ. Վ. Չալոյանը թվարկում է X—XIII դդ. Հայաստանի սոցիալ-տնտեսական կյանքին վերաբերող պատմական կոնկրետ փաստեր և հայտարարում, որ թվարկած փաստերի նկատմամբ «չկա և ոչ մի վեճ»²: Որո՞նք են այդ փաստերը. X—XIII դդ. Հայաստանում թե՛ հին և թե՛ նոր առաջացած քաղաքների զարգացումը, արհեստների անջատումը գյուղատնտեսու-

¹ Ընթերցողները կարող են ծանոթանալ բանավեճին հետևյալ նյութերից.

Վ. Չալոյան, Վերածնունդի պարբերական Հայաստանում, «Սովետական գրականություն և արվեստ», 1956, № 3, էջ 139—249: Դիտելու համար: Նվիրված վերածնության հարցերին (Հայկական ՍՍՌ ԳԱ «Տեղեկագիր», հաս. գիտ.), 1953, № 1, էջ 103—113: Վ. Կ. Չալոյան, Հայկական վերածնության մասին, Հայկական ՍՍՌ ԳԱ «Տեղեկագիր», 1953, № 12, էջ 83—114: Վ. Կ. Չալոյան, Հայկական վերածնության մասին, Հայկական ՍՍՌ ԳԱ «Տեղեկագիր» (հաս. գիտ.) 1956, № 4, էջ 82—106: Բ. Առաքելյան, Հայաստանի սոցիալ-տնտեսական զարգացման մակարդակը IX—XIII դդ. և վերածնության հարցը, Հայկական ՍՍՌ ԳԱ «Տեղեկագիր» (հաս. գիտ.), 1956, № 5, էջ 81—118: Հ. Գաբրիելյան, Հայկական վերածնության հարցի շուրջը, «Տեղեկագիր», 1956, № 6, էջ 81—103: Լ. Խաչիկյան, Արհեստագործության վիճակն ու զարգացման առաժնային Հայաստանում X—XIV դդ. «Տեղեկագիր», 1958, № 3, էջ 29—50: Հ. Խոսեանյան, Կապիտալի այսպես կոչված նախասկզբնական կուտակման մասին Հայաստանում X—XIII դդ. «Տեղեկագիր», 1958, № 5, 53—63: Վ. Չալոյան, Նամակ խմբագրության: Խմբագրության կողմից, «Տեղեկագիր», 1958, № 11, էջ 103—112: Աշոտ Հովհաննիսյան, Արդյուք միջնադարյան Հայաստանում աեղի ունեցել է կապիտալի նախասկզբնական կուտակում, «Գաղափարաբանության հանդես», 1959, № 1, էջ 203—223: Վ. Կ. Չալոյան, Նորից կապիտալի նախասկզբնական կուտակման և հարակից հարցերի մասին, «Գաղափարաբանության հանդես», 1960, № 3, էջ 152—171:

² Վ. Կ. Չալոյան, Նորից կապիտալի նախասկզբնական կուտակման և հարակից հարցերի մասին, «Գաղափարաբանության հանդես», 1960, № 3, էջ 152:

թյունից, նրանց մասնագիտացումը և ծավալումը, առևտրական-վաճառական-կան կապիտալի և առևտրա-վաճառական խավի ուժեղացումը, փողի դերի բարձրացումը և դրամական օպերացիաների աճը, գյուղացիների ունեզրկումը, նրանց փախուստը դեպի քաղաքները և այդ քաղաքներում «чужих»-ի առաջացումը, ճորտացման պրոցեսի առկայությունը, և, ինչպես բանավեճի հրապարակած նյութերն են բացահայտում, կապիտալիզմի «սաղմերի» կապիտալիստական սլարգ կոոպերացիայի և մանուֆակտուրայի անդամ հետքերի բացակայությունը:

Բայց չնայած դրան, բանավեճը շարունակվում է. ինչու և նույն այդ ելույթում ընկ. Չալոյանը մեղադրում է իր ընդդիմախոսին, որ նրա մոտ «չկա հստակ պատկերացում կապիտալի նախասկզբնական կուտակման մասին ընդհանրապես»¹: Մեղադրանքը, ինչպես կտեսնենք, սխալ է հասցեագրված, հուսով ենք, որ այդ բանում ընթերցողը կհամոզվի մեր հետագա շարադրանքից: Սակայն դրանից անկախ, ընկ. Վ. Չալոյանի պահանջը բանավեճի ներկա էտապում—քննել և տեսնել ու մոտ է բացակայում կապիտալի նախասկզբնական կուտակման մասին հստակ պատկերացումը, մենք համարում ենք միանգամայն տեղին, որովհետև ներկայումս, երբ հիմնականում վերացել են փաստական նյութի մասին եղած տարաձայնությունները, բանավեճի շարունակման պատճառը կարող են լինել վիճող կողմերի տարրեր տեսական դիրքավորումները, մեթոդոլոգիան: Ահա թե ինչու բանավեճի ընթացքը պահանջ է առաջադրում քննարկել Հայաստանում X—XIII դդ. կապիտալի նախասկզբնական կուտակման կողմնակիցների ընդհանուր տեսությունը, կամ ինչպես ընկ. Վ. Չալոյանն է ասում՝ «մեթոդոլոգիական կոնցեպցիան» կապիտալի նախասկզբնական կուտակման մասին առհասարակ: Վիճարկելով իրեն առարկողների տեսական, մեթոդոլոգիական դիրքավորման ճշտությունը, ընկ. Վ. Չալոյանը հայտարարում է, որ իր պաշտպանած մեթոդոլոգիական կոնցեպցիան նախասկզբնական կուտակման պրոցեսի մասին հենվում է «միակ գիտական ըմբռնման» վրա²:

Այդպես է արդյոք:

Այս հարցի լուսարանմանն է նվիրված մեր այս հոդվածը:

2. Ընկ. Վ. Չալոյանի «մեթոդոլոգիական կոնցեպցիայի» կամ կապիտալի նախասկզբնական կուտակման նրա շարադրած տեսության հիմնական կողմերը: Անհրաժեշտ է առաջիմ պարզել, թե ինչպես է պատկերացում և շարադրում ընկ. Վ. Չալոյանը: Մարքսի նախասկզբնական կուտակման տեսությունը: Կանգ առնենք այդ տեսության հիմնական, վճռական կողմերի վրա այնպես, ինչպես շարադրում է ընկ. Վ. Չալոյանը:

«4. Մարքսը իր «Կապիտալ»-ում,— գրում է ընկ. Վ. Չալոյանը,— շատ որոշակի ցույց է տալիս, որ կապիտալի նախասկզբնական կուտակումը պետք է կապել ոչ թե կապիտալիզմի այլ ֆեոդալիզմի հետ»³: Մի այլ տեղ ընկ. Վ. Չալոյանը նշում է. «Անվիճելի է, որ նախասկզբնական կուտակման ժամանակաշրջանում գործում է ոչ թե արտադրության կապիտալիստական եղանակը, այլ մինչկապիտալիստական սլարգ ապրանքային տնտեսությունը»⁴:

¹ «Գաղափարախոսական հանգեւ»։ 1960, № 3, էջ 162:

² «Տեղեկագիր», 1933, № 12, էջ 103:

³ «Գաղափարախոսական հանգեւ»։ 1960, № 3, էջ 133:

⁴ Նույն տեղում:

Ընկ. Վ. Չալոյանը գտնում է, որ կապիտալի նախասկզբնական կուտակումը պետք է քննության առնել Ֆեոդալիզմի շրջանակներում: Ինչ է տեղի ունենում Ֆեոդալիզմի շրջանակներում կամ Ֆեոդալիզմի ընդերքում, կամ ազգային ճիշտ նրա դարդացման էությունում, ուր գործում է սպարդ ասլանքային տնտեսությունը:

Ընկ. Վ. Չալոյանն ասում է. որ տեղի է ունենում ա) արտադրության միջոցներից արտադրողի անջատման սլոցեսը և բ) հսկայական հարստությունների կուտակումը փոքրամասնության ձեռքում. առաջացած այս երկու նախադրյալները ունեղրկումը և փոքրամասնության ձեռքում հարստությունների կուտակումը, պատմական նախադրյալներ են հանդիսանում արտադրության կապիտալիստական եղանակին անցնելու համար: Հենց այդ սլոցեսներն էլ ունեղրկումը և հարստությունների կուտակումը, ըստ ընկ. Վ. Չալոյանի, կաղմում են կապիտալի նախասկզբնական կուտակման բովանդակությունը, էությունը: «Այսպես ուրեմն,— գրում է ընկ. Վ. Չալոյանը,— Կ. Մարքսի ուսմունքի համաձայն կապիտալի ալսպես կոչված նախասկզբնական կուտակումը անմիջական արտադրողի անջատումն է արտադրության միջոցներից, դա հրսկայական հարստությունների կուտակումն է փոքրամասնության ձեռքում և արտադրության միջոցներից զուրկ սոցիալական խավի երեան դալը, մի խավ, որ աղատ է իր աշխատուժը վաճառելու գործում»:

Ատք 1 ընղղժել. որ ընկ. Վ. Չալոյանը սկսած 1954 թ. մինչև 1961 թ. հավատարիմ է մնացել իր այս ձեակերպմանը և հետևողական ու համառ կերպով շեշտում է, թե Կ. Մարքսը կապիտալի նախասկզբնական կուտակման սլոցեսը շարաղրում է, որպես 1) «Արտադրողի անջատումը արտադրության միջոցներից» և 2) «Հարստությունների կուտակումը փոքրամասնության ձեռքում»: Արտադրության միջոցներից անջատված արտադրողները—ղրանք ունեղրկված գլուղացիներն են, իսկ փոքրամասնությունը, որի ձեռքում կուտակվում են հարստությունները, �ղրանք առևտրականներն են ու վաշխառուները առևտրա-վաշխառուական կապիտալը:

Ինչպես է տեղի ունենում այս նախադրյալների առաջացմամբ Ֆեոդալիզմի քայքայումը և անցումը կապիտալիստական արտադրաեղանակին: Առաջաղրած հարցին ընկ. Վ. Չալոյանը հետևյալ կերպ է սլատասխանում. հենց որ վաշխառուական կապիտալը կապվում է արտադրության հետ, ըստ ընկ. Վ. Չալոյանի տեղի է ունենում Ֆեոդալիզմի քայքայումը: Այսպես, օրինակ. առևտրա-վաշխառուական կապիտալը հետղհետև ուժեղանալով թիրենից կախման մեղ էր զնում տոհմական-ֆեոդալական կալվաժքները: Հաճախ այղ կախման հարաբերությունները այնպիսի ձեեր էին ընղունում, որ Ֆեոդալական կալվաժքները մեեր մլուսի հետևից զառնում էին առևտրա-վաշխառուական խավի սեփականությունը: Ֆեոդալների ժառանգական հողատիրությունը—նրանց գլուղերն ու կալվաժքները զառնում էին վաճառքի առարկա: Եա ոչ այլ ինչ էր,

¹ «Տեղեկաղիր», 1955, № 12, էղ 103:

² Տե՛ս նույն տեղում, էղ 102, 103, 104, 1958, № 11, էղ 103-106, «Պատմա-բանասիրական հանղես», 1960, № 3, էղ 154:

³ «Պատմա-բանասիրական հանղես», 1960, № 3, էղ 159:

եթե ոչ ֆեոդալիզմի քայքայումը¹։ Ընկ. Վ. Չալոյանն ընդդժում է, որ ֆեոդալիզմի քայքայման պրոցեսը հենց նոր սեփականատերերի՝ առևտրա-վաճառական խավից նոր մեծատունների առաջանալն է, «անկախ այն բանից, — նշում է ընկ. Վ. Չալոյանը, — որ նրանք (այդ սեփականատերերը — Ա. Ե.) միաժամանակ չէին խորշում գյուղացիներին ֆեոդալական եղանակով «հարկման և կեղերման ենթարկելուց»²։

Այսպիսով, առաջին նախադրյալը՝ առևտրա-վաճառական կապիտալը քայքայում է ֆեոդալիզմը նրանով, որ տեր է դառնում ժառանգական ֆեոդալների կալվածքներին։

Ըսկ ինչո՞ւմն է արտահայտվում երկրորդ նախադրյալի՝ ունեզրկված գյուղացիություն քայքայի ներդրածությունը ֆեոդալիզմի նկատմամբ։ Պետք է ասել, որ այս հարցին մենք պարզ պատասխան չենք ստանում. ընկ. Վ. Չալոյանը շեշտը դնում է գյուղացիների ունեզրկման հետևանքով ՎԵՐՈՒՄ-ի առաջացման պրոցեսի վրա, որպես նախադրյալ կապիտալիստական արտադրության առաջացման հայց թև ինչպե՞ս և ո՞րտեղ էին օգտագործվում այդ խավին պատկանող «վարձկաններն ու մշակները», և ինչպե՞ս էին նրանք քայքայում ֆեոդալիզմը, այդ հարցին պարզ ու հիմնավորված պատասխան չենք ստանում։

Կապիտալի նախասկզբնական կուտակման այս կոնցեպցիան ընկ. Վ. Չալոյանը համարում է Գ. Մարքսի կոնցեպցիան։ Կիրառելով այդ կոնցեպցիան X—XIII դդ. Հայաստանում տեղի ունեցած պրոցեսների բնութագրման վերաբերմամբ, նշելով, որ Հայաստանում այդ ժամանակ կար և՛ առևտրա-վաճառական կապիտալ, և՛ գյուղացիների ունեզրկում, ընկ. Վ. Չալոյանը եզրափակում է, որ ուրեմն Հայաստանն այդ ժամանակաշրջանում ասլորում էր կապիտալի նախասկզբնական կուտակման էտապը։

Ծանոթանալով կապիտալի նախասկզբնական կուտակման ընկ. Վ. Չալոյանի այս կոնցեպցիային, անփորձ, անտեղյակ ընթերցողը կարող է պահ մի վարանել և ասել, ինչո՞ւ են ըննադատում ընկ. Վ. Չալոյանի կոնցեպցիան. մի՞թե Կ. Մարքսը չի ասել, որ ֆեոդալիզմի ընդերքում առաջանում են կապիտալիստական արտադրանեղանակի պատմական նախադրյալները, մի՞թե Մարքսը չի ասել, որ այդ նախադրյալներն են՝ առևտրա-վաճառական կապիտալը և ունեզրկված գյուղացիությունը. մի՞թե ընկ. Վ. Չալոյանի կողմից Մարքսից բերած քաղվածքները կապիտալի նախասկզբնական կուտակման էություն մասին ճիշտ չեն, մի՞թե Մարքսը չի ասել, որ ֆեոդալիզմի ընդերքում առաջացած կապիտալիստական արտադրանեղանակի պատմական նախադրյալները քայքայում են ֆեոդալիզմը. և վերջապես քանի որ Հայաստանում X—XIII դդ. առկա են եղել առևտրա-վաճառական կապիտալը և արտադրողների ունեզրկումը, մի՞թե ճիշտ չէ ընկ. Վ. Չալոյանը, պնդելով, որ Հայաստանը այդ դարերում ասլորել է կապիտալի նախասկզբնական կուտակման ժամանակաշրջանը։

Այս հարցերի պատասխանը ստանալու համար դիմենք Գ. Մարքսի աշխատություններին։

Յ. Կ. Մարքսի կապիտալի նախասկզբնական կուտակման տեսության հիմնական կոլմեոնը։ ա) նախասկզբնական կուտակման կապը կապիտալիզմի հետ։

¹ «Գաղմա-բանասիրական հանդես», 1880, № 3, էջ 160 (ընդդժույթները մերն են — Ա. Ե.)։

² Նույն տեղում, էջ 158։

Նախ և առաջ, ինչի՞ հետ է կապում Կ. Մարքսը նախասկզբնական կուտակումը: «Կապիտալի» 24-րդ գլուխը՝ «Այսպես կոչված նախասկզբնական կուտակումը», սկսվում է մի ենթադրյալով. «նախասկզբնական կուտակման գաղտնիքը», որի հենց առաջին պարբերության մեջ Մարքսն ասում է. «...Կապիտալիստական կուտակմանը նախորդել է «նախասկզբնական կուտակումը... մի կուտակում, որն արտադրության կապիտալիստական եղանակի ոչ թե հետևանքն է, այլ նրա ելակետը»¹: Նույն ենթադրյալում Կ. Մարքսը նշում է. «նա «նախասկզբնական» պրոցես է, որովհետև կազմում է կապիտալի և նրան համապատասխանող արտադրության եղանակի նախապատմությունը», որ նախասկզբնական կուտակման պրոցեսը դա—«Կապիտալիստական հարաբերություն ստեղծող պրոցես է»²:

Տասնյակ վկայություններ կարելի է բերել «Կապիտալից», ինչպես նաև Կ. Մարքսի այլ աշխատություններից, որոնք պարզորոշ կերպով ցույց են տալիս, որ հակառակ ընկ. Վ. Զալոյանի պնդումին՝ Կ. Մարքսը նախասկզբնական կուտակումը կապում էր կապիտալիստական արտադրանքի ստեղծման, առաջացման, սկզբնավորման հետ: Եվ այլ կերպ էլ չէր կարող լինել. մինչև 24-րդ գլուխը Կ. Մարքսը վերլուծման է ենթարկում կապիտալիստական արտադրության և վերարտադրության օրինաչափությունները: «Թեև որիսպես ելակետ ունենալով իրերի փաստական դրությունը», այսինքն կապիտալիստի և բանվորի փաստական առկայությունը, և ժամանակավորապես հետաձգելով դրանց մեջ գոյություն ունեցող հարաբերության պատմական ծագման հարցի ուսումնասիրությունը, բանաշոթերորդ գլխում Կ. Մարքսը անդրադառնում է այդ պրոբլեմին, որի մասին հարցադրման կարգով նա ակնարկում է ղեռ դրանից առաջ՝ «Փողի փոխարկումը կապիտալի» վերնագրված գլխում. «Ենությունը մի կողմում չի արտադրում փողատերեր ու ապրանքատերեր և մյուս կողմում լոկ աշխատուժի տերեր: Այս հարաբերությունը ոչ բնության իսկ ստեղծած հարաբերությունն է, ոչ էլ մի այնպիսի հասարակական հարաբերություն, որ ընդհանուր լինելու պատմական բոլոր ժամանակաշրջանների համար: Ակներև է, որ այդ հարաբերությունն ինքը նախընթաց պատմական զարգացման հետևանք է, տնտեսական բաղադրիվ հեղաշրջումների արդյունք, հասարակական արտադրության մի ամբողջ շարք ավելի հին շրջանների կործանման արդյունք»³:

Քսանշոթերորդ գլխում Մարքսը ուսումնասիրում է ժամանակակից արդյունաբերական և գյուղատնտեսական պրոլետարիատի ծագումը (էջ 746—775), կապիտալիստական ֆերմերների ծագումը (էջ 775—777), արդյունաբերական կապիտալիստի ծագումը (էջ 782—794), այլ խոսքով կապիտալիստական արտադրանքի ծագման պատմական պրոցեսը:

Այսպիսով, Մարքսի տնտեսական ուսմունքի մեջ կապիտալի նախասկզբնական կուտակման տեսությունը բացահայտում է կապիտալիստական արտադրական հարաբերության պատմական ծագումը, նախասկզբնական կուտակումը կապված է կապիտալիստական արտադրանքի ծագման, կամ, այլ խոսքով, կապիտալիստական կացութաձևի սկզբնավորման հետ:

¹ Կ. Մարքս, Կապիտալ. հատ. I, Երևան, 1954, էջ 746:

² Նույն տեղում, էջ 747:

³ Նույն տեղում, էջ 180:

բ) Արդյո՞ք կապիտալի նախասկզբնական կուտակումը տեղի է ունեցել միայն ֆեոդալիզմի շրջանում: Հնկ. Վ. Չալոյանի քննարկվող կոնցեպցիայի մի այլ բնորոշ կողմն այն է, որ, ըստ նրա «Կապիտալի նախասկզբնական կուտակումը... պետք է քննության առնել... ոչ թե կապիտալիզմի, այլ ֆեոդալիզմի շրջանակներում»¹: Այդ նույն միտքը ընկ. Վ. Չալոյանը պաշտպանել է դեռևս 1954—55 թթ. «Մենք ցանկանում ենք ընդգծել այն միտքը,— ասում է ընկ. Վ. Չալոյանը,— որ նախասկզբնական կուտակման պատմությունը վերաբերում է ֆեոդալական ֆորմացիայի նասաբակուրյան դարդացման պատմության մի որոշ աստիճանի, որ նախասկզբնական կուտակման պրոցեսը կատարվում է հենց ֆեոդալական հասարակության սահմաններում»²:

Արդյոք այդպե՞ս են նայում դործին Կ. Մարքսը, մարքսիստները. արդյո՞ք նախասկզբնական կուտակման պրոցեսը, կապիտալի նախասկզբնական կուտակման մեթոդների կիրառումը սահմանափակվել է միայն ֆեոդալիզմի շրջանակներով:

Կապիտալի նախասկզբնական կուտակման պրոցեսի առաջին կողմը՝ փողային կապիտալի կուտակումը, նշանավորվում է ոչ միայն առևտրա-վաճառական կապիտալի դարդացման «նորմալ մեթոդներով», այլև այնպիսի մեթոդներով, ինչպիսիք են՝ դադութային սիստեմը, առևտրական պատերազմները, պետական փոխառությունները, հարկային սիստեմը և պրոտեկցիոնիզմի սիստեմը, որոնց մասին, ի դեպ, ընկ. Վ. Չալոյանը ոչ մի խոսք չի ասում: Ո՞ր դարերում են կիրառվել այս մեթոդները, արդյո՞ք ֆեոդալիզմի շրջանակներում, թե նաև կամ ավելի շուտ դերազանցապես նրանից՝ ֆեոդալիզմի շրջանակներից դուրս: Կանգ առնելով դադութային սիստեմի վրա՝ Կ. Մարքսը գրում է. «Հուլանդական դադութային տնտեսության պատմությունը—իսկ Հուլանդիան XVII դարի կապիտալիստական օրինակելի երկիր էր—ծավալում է դավաճանությունների, կաշառումների, մարդասպանությունների ու ստորոթյունների մի շտեմնված պատկեր: Չկա ավելի բնորոշ մի բան, քան հուլանդացիների կիրառած մարդադողության սիստեմը Յելերստում՝ Ճավա կղզում ստորոկների կադրերը համալրելու նպատակով»³: Այս բոլորը տեղի է ունենում XVII և XVIII դարերում. արդյո՞ք ֆեոդալիզմի պատմական շրջանակների մեջ էին մտնում այդ դարերը: Նույնը տեղի է ունենում Անգլիայում, ուր դադութային սիստեմը ծավալվում է սկսած XVII դարի վերջերից ընդհուպ մինչև XIX դարը. մի՞թե այդ ևս մտնում էր ֆեոդալիզմի շրջանակների մեջ:

Նախասկզբնական կուտակման մոմենտներ են առևտրական պատերազմները, որոնք ծավալվել են նույնպես XVI դարից սկսած մինչև XVIII դարի վերջերը, պետական փոխառությունները կամ պետական պարտքը, որը դառնում էր «նախասկզբնական կուտակման ամենազորեղ լծակներից մեկը»⁴—ծավալվում էր նույնպես XVII դարից սկսած ընդհուպ մինչև XIX դարի սկիզբը. «Վաճառուները պետությանը փոխառություն տալով հսկայական կապիտալ էին դիդում: Նրանք ըստ էության պետությանը ոչինչ չէին տալիս, քանի որ նրանց կողմից փոխ տված դումարը դարձնում էին պետական փոխառության պարտատոմս, իսկ այդ պարտատոմսերը փորձում էին կապիտալիստական

¹ «Պատմա-բանասիրական հանդես», 1960, էջ 153:

² «Տեղեկագիր», 1955, № 12, էջ 103 (ընդգծումները մերն են—Ա. Ե.):

³ Կ. Մարքս, Կապիտալ, հատ. I, էջ 784—785:

⁴ Նույն աեղում, էջ 787:

շրջանառության մեջ, ինչպես կանխիկ դրամ: Մեծ Բրիտանիայի պետական պարտքը 1697 թ. մինչև 1815 թ. աճել էր 25 միլիոն ֆունտ ստերլինգից մինչև 860 միլիոն ֆունտ ստերլինգի¹:

Հարկային սիստեմը, որը «դարձավ ազգային վարկի սիստեմի անհրաժեշտ լրացումը» (Կ. Մարքս), և որը մի մեթոդ էր «հասարակական հարստության կապիտալի փոխարկելու պրոցեսում»—նույնպես ծավալվեց այդ դարերում, ականերևարար դարձյալ «ֆեոդալիզմի շրջանակներից» դուրս: Վերջապես հովանավորման սիստեմը, որը ամի արհեստական միջոց էր գործարանատերեր պատրաստելու և անկախ աշխատավորներին սեփականադրկելու համար»²—նույնպես ծավալվեց XVII և XVIII դարերում ընդհուպ մինչև XIX դարի առաջին կեսը: Հայտնի է, որ Ռուսաստանում կապիտալի նախասկզբնական կուտակման հիշյալ մեթոդները կիրառվել են անգամ XX դարի սկզբներին³:

Վերջներ հիմա կապիտալի կուտակման պրոցեսի երկրորդ կողմը՝ աշխատավորների բռնի անջատումը արտադրության միջոցներից և վերածումը պրոլետարներին Եվրոպական երկրներում այս պրոցեսը տեղի է ունեցել՝ XV դ. վերջից և տեղի է ընդհուպ մինչև XVIII դ. վերջը—Անգլիայում, XVIII դ. երկրորդ կեսից մինչև XIX դ. սկիզբը—Գերմանիայում, XVI—XVIII դդ.—Ֆրանսիայում, XIX դ. երկրորդ կեսում—Ռուսաստանում, որտեղ գյուղացիական ռեֆորմը հանդես եկավ որպես գյուղացիներին արտադրության միջոցներից անջատելու մեթոդ:

Այսպիսով տեսնում ենք, որ նախասկզբնական կուտակման պրոցեսը կատարվում է—հակառակ ընկ. Վ. Չալոյանի այն պնդումին թե իբր «...նախասկզբնական կուտակման պրոցեսը կատարվում է հենց ֆեոդալական հասարակության սահմաններում»⁴—գերազանցապես կապիտալիստական դարադուրսի սկսվելուց հետո, այսինքն XVI դ. հետո: Կապիտալի նախասկզբնական կուտակման կեղտոտ, արյունոտ մեթոդների համար պատմությունը անարդանքի սյունին է զուլեւ ոչ թե «ֆեոդալական ֆորմացիան», այլ կապիտալիզմը. կապիտալիստական հասարակարգը՝ «Եթե փողը, Օժյեի ասելով, առաջ է դալիս մի այտի վրա արյան բնական բծով», ապա նորածին կապիտալի բոլոր ծակոտիներից, ոտից մինչև գլուխ, արյուն ու կեղտ է հոսում»⁵—գրում էր Կ. Մարքսը:

Պահանջել, որպեսզի կապիտալի նախասկզբնական կուտակման պրոցեսը բնարկվի միայն ֆեոդալիզմի շրջանակներում, դա նշանակում է մի կողմից անտեսել ու հաշվի չառնել այն բոլոր մեթոդները, որոնցով կատարվում է այդ կուտակումը և մյուս կողմից վերջնել կապիտալիզմից այն մեղադրանքը, որն իրավամբ հասցեագրվում է նրան. «Արդյունաբերության ասպետները,—Մարքսի բնութագրումամբ,— դուրս մղեցին սրի ասպետներին և բարձրացան, օգտվելով նույն կեղտոտ վիջոցներից, որոնք մի ժամանակ հռոմեական ազաս

¹ Ե. Ա. Կոզլով, Արտադրության կապիտալիստական եղանակի նախապատրաստումը, Երևան, 1947, էջ 66:

² Կ. Մարքս, Կապիտալ, հատ. I, էջ 790:

³ Տե՛ս Վ. Ի. Լենին, Երկեր, ռուսերեն հրատ., հատ. 13, էջ 108:

⁴ «Տեղեկագիր», 1953, № 12, էջ 103:

⁵ Կ. Մարքս, Կապիտալ, հատ. I, էջ 794:

արձակվածներին (իմա՝ նախկին ստրուկներին—Ա. Ն.) հնարավորություն էին տալիս իրենց պատրոնների տերերը դառնալու¹։

դ) Նախասկզբնական կուտակման էությունը—«բեկուացումն է»։ Կապիտալիստական հարաբերությունները, կապիտալիստական արտադրանքային սաղմերը հանձին կապիտալիստական պարզ կոոպերացիայի, որը Կ. Մարքսի արտահայտությամբ «պատմականորեն ու տրամաբանորեն կազմում է կապիտալիստական արտադրության ելակետը»² և ապա մանուֆակտուրային ձևափոխությունների, առաջ են եկել ֆեոդալիզմի ընդերքում սկսած XIII—XIV դդ. Դրանց առաջնային հետևանք էր ֆեոդալիզմի շրջանակներում արտադրողական ուժերի զարգացման, հասարակական աշխատանքի բաժանման աճի ու խորացման, որոնց արտահայտությունն էին արհեստի բաժանումը գյուղատնտեսությունից, մասնագիտացումը արհեստագործության մեջ թե՛ քաղաքներում և թե՛ գյուղերում, շուկաների ընդլայնումը, առևտրի զարգացումը, մրցման հետևանքով արհեստավորների, գյուղական արտադրողների սոցիալական շերտավորումը—վարպետի ձեռնարկատեր դառնալը և միաժամանակ ուրիշների վարձու բանվոր դառնալը, գյուղատնտեսության մեջ՝ կապիտալիստական ֆերմերի առաջ գալը և վարձու աշխատողների շահագործումը կապիտալիստական ֆերմաներում։ Դրանք, Կ. Մարքսի արտահայտությամբ, կապիտալիստական արտադրության առաջին սաղմերն էին, որոնք տեղ-տեղ, ցարուցրիվ, սպորադիկ կերպով առաջ էին եկել և դարդանում էին XIV և XV դդ. Միջերկրական ծովի առանձին քաղաքներում։ Աշխարհագրական մեծ հայտնագործություններից և առևտրական ճանապարհների Միջերկրական ծովից Ատլանտյան օվկիանոս տեղափոխվելուց հետո Անդլիայում, Ֆլանդրիայում, Հոլանդիայում, Իսպանիայի մի շարք քաղաքներում, ինչպիսին էր, օրինակ, Բարսելոնան, նույնպես զարգանում են կապիտալիստական արտադրանքային աչք սաղմերը։ Մեր նպատակը չէ այստեղ շարադրել ևլրոպակուն երկրներում XIV և XV դդ. մանուֆակտուրային կապիտալիստական ձևափոխությունների պատմությունը, նրանց առաջացումը՝ առաջին հերթին խոշոր ծովային ու ցամաքային առևտրական հաղորդակցության կենտրոններում և գյուղական արվեստների հիման վրա հետո քաղաքների համարական սահմանափակումներից։ Առայժմ կարևորը մեզ համար XIV—XV դդ. կապիտալիստական ձևափոխությունների առկայությունը շեշտելն է։ «Արդյունաբերական կապիտալիստի ծագումը աչքի չի ընկնում այն աստիճանականությամբ—գրում է «Կապիտալի» հեղինակը,— որով բնորոշվում է ֆերմերի ծագումը։ Անկասկած որոշ թվով համարական մասեր վարպետներ և էլ ավելի մեծ թվով մասեր ինքնուրույն արհեստավորներ ու նույնիսկ վարձու բանվորներ սկզբում դարձել են սաղմնային կապիտալիստներ, իսկ հետո աստիճանաբար ընդարձակելով վարձու աշխատանքի շահագործումը և համապատասխանորեն ուժեղացնելով կապիտալի կուտակումը, դարձել են կապիտալիստներ (sans phrase) առանց փերայահումների»³։ Այդ դարերում գյուղատնտեսության մեջ էլ նույնպես սպորադիկ կերպով առկա էր վարձու աշխատանքը և ֆերմերը⁴։ Այսպես, օրինակ,

¹ Կ. Մարքս, Կապիտալ, հատ. I, էջ 180։

² Նույն տեղում, էջ 339։

³ Նույն տեղում, էջ 782։

⁴ Տե՛ս նույն տեղում, էջ 773—776։

հետադոտությունները ցույց են տալիս, որ Անգլիայում XIII—XIV դդ. գյուղատնտեսության մեջ ևս զործադրվել է վարձու աշխատանք. ազատ թողնված կամ փախստական գյուղացիներ, «ինքնուրույն գյուղացիության քայքայված ներկայացուցիչներ»։ Հարկավ չի կարելի շափաղանցել վարձու աշխատանքի ծավալը անգլիական գյուղատնտեսության մեջ հիշատակված դարերում։ Հայտնի է, որ ճորտատիրությանը Անգլիայում վերջ դրվեց XIV դ. վերջում և XV դ.։ Անգլիայի գյուղական բնակչության գերակշռող մեծամասնությունը ինքնուրույն գյուղացիությունն էր։ Սակայն մեղ համար կարևորն այն է, որ կապիտալիստական հարարերությունները սկզբնավորվում էին ոչ միայն արդյունաբերության, քաղաքային արտադրության մեջ, այլև գյուղատնտեսության, գյուղական արտադրության մեջ։

Կրկնում ենք, կապիտալիստական հարարերությունները արդեն սկզբնավորվել էին արտադրության մեջ և դանդաղորեն, շատ դանդաղորեն զարգանում էին ֆեոդալական հասարակարգի ընդերքում։

Ի՞նչ կլինեք, եթե XVI դ. սկսած տեղի ունեցած չլինեք ժողովրդական մասսաների հանկարծակի փոխարկումը վարձկան բանվորների, նրանց աշխատանքի միջոցների փոխարկումը—կապիտալի, հսկայական զրամական հարստությունների կուտակումը շահագործողների ձեռքին, սրի, արյան, կեղտի միջոցներով ու մեթոդներով, այլ խոսքով ի՞նչ կլինեք, եթե նվրոպայում XVI դ. սկսած տեղի ունեցած չլինեք կապիտալի նախասկզբնական կուտակումը—արդյո՞ք կզարգանային արդյունաբերության և գյուղատնտեսության մեջ արդեն առկա կապիտալիստական հարարերությունները, արդյո՞ք տեղի կունենար անցում ֆեոդալիզմից դեպի կապիտալիզմ։ Մարքսիզմ-լենինիզմը այս հարցին դրական պատասխան է տալիս—հիմնվելով հասարակական ֆորմացիաների զարգացման ու փոփոխման իր տեսության վրա։

Հիրավի, ի՞նչ դեր խաղացին կապիտալի նախասկզբնական կուտակման բոլոր մոմենտները պատմության մեջ ֆեոդալիզմից կապիտալիզմին անցնելու պրոցեսում։ Նախասկզբնական կուտակման բոլոր մոմենտները արագացրին արտադրության ֆեոդալական եղանակը կապիտալիստականի փոխարկվելու պրոցեսը և միաժամանակ կրճատեցին նրա անցման ստադիաները. շատ ու շատ դարեր պահանջվող պրոցեսը կատարվեց մեկ—մեկ ու կես դարում և նվրոպայում XVI դ. սկսվեց կապիտալիստական դարազուխը. եթե XIV և XV դդ. կապիտալիստական արտադրության սաղմերն էին հանդիպում սպորադիկ կերպով հանձին կապիտալիստական պարզ կոոպերացիայի և ապա կապիտալիստական մանուֆակտուրային ձևնարկությունների, ապա XVI դ. կեսից սկսած այդ ձևնարկությունները մի շարք երկրներում (Անգլիա, Ֆլանդրիա) բնորոշ են դառնում և արտադրության մեջ տիրապետող հանդիսանում, սկսվում է իրոք նոր դարազուխ, կապիտալիստական դարազուխը, կապիտալիզմի մանուֆակտուրային շրջանի հուժկու ծավալման դարազուխը։ Ի՞նչ եղավ, ի՞նչ պատահեց այդ դարի սկզբին, ո՞րտեղից, ի՞նչ ազդեցություններից և ինչու է հանկարծակի, մասսայաբար աշխատանքի շուկա ներկայացին մարդկային հոծ բազմություններ, որպես պրոլետարներ և միաժամանակ հանկարծակի դիզվեցին հսկայական հարստություններ, կապիտալ, որն անմիջապես օգտագործեց ստեղծված պատմական իրադրությունը և զարկ տվեց, ուժեղ թափ հաղորդեց արդեն մինչ այդ արտադրության մեջ առաջացած նոր ձևի կապիտալիստական ձևնարկությունների աննախընթաց զար-

զացմանը, ի՞նչ պատմական պրոցես էր դա. դա հենց այն պրոցեսն է, որ Մարքսը անվանում էր կապիտալի նախասկզբնական կուտակման պրոցես:

Ընկ. Վ. Չալոյանը այդ պրոցեսի էությունը, բովանդակությունը տեսնում է, ինչպես նշեցինք, երկու մոմենտում. առաջին՝ «արտադրողի անջատումը արտադրության միջոցներից», և երկրորդ՝ «հարստությունների կուտակումը փոքրամասնության ձևերին»: Պետք է ասել, որ նման ձևակերպումով հատկապես նշված պրոցես տեղի է ունեցել և՛ անտիկ աշխարհում, և՛ ստրկատիրական Հռոմում, ուր արտադրողին անջատել են արտադրության միջոցներից և տեղի է ունեցել հարստությունների կուտակում փոքրամասնության ձևով: Դա անհերքելի փաստ է, ի՞նչ եզրակացություն պետք է հանենք այդ փաստից. անտիկ աշխարհում և մասնավորապես Հռոմում, ըստ ընկ. Վ. Չալոյանի կոնցեպցիայի հետևողական կիրառման, նույնպես տեղի է ունեցել կապիտալի նախասկզբնական կուտակման պրոցես: Հենց այս իսկ պատճառով է, որ բուրժուական պատմագիտության ցիկլիստական թեորիայի տեսարանները (էդ. Մայեր և ուրիշներ), ինչպիսի և մարքսիզմի այլ հակառակորդներ խոսում էին անտիկ աշխարհի կապիտալիզմի մասին: Մենք հեռու ենք ընկ. Վ. Չալոյանին մարքսիզմի քննադատների շարքը դասելուց, բայց այս հանգամանքը չի փրկում կապիտալի նախասկզբնական կուտակման նրա տեսությունը հանդելու հակամարտատական եզրակացության: Ընկ. Չալոյանի ձևակերպման մեջ պակասում է այն բնորոշը, որը յուրահատուկ էր այդ պրոցեսին միայն և միայն պատմական որոշ ժամանակաշրջանի համար: Ո՞րն է այդ բնորոշը, — ոչ թե միայն արտադրողի արտադրության միջոցներից զրկվելը, այլ արտադրության միջոցներից բռնի կերպով սեփականացրկված արտադրողի աշխատուժի վաճառողի վերածվելը: Նրա ոչ թե ստրուկ դառնալը (ինչպես այդ անտիկ աշխարհում էր), այլ պրոլետար դառնալը, որը բացակայում է ընկ. Վ. Չալոյանի ֆորմուլայի մեջ: Մյուս կողմից — կապիտալի նախասկզբնական կուտակման պրոցեսի մեջ բնորոշ կողմը ոչ թե միայն հարստությունների կուտակումն է փոքրամասնության ձևերին, այլ հասարակական արտադրամիջոցների, կենսամիջոցների վերածումը կապիտալի իրային տարրերի, կապիտալի, որ սկզբում հանդես է գալիս որպես փողային կապիտալ և որի բոլոր ծակոտիներից «ոտից մինչև դուրս արյուն ու կեղտ է հոսում» (Մարքսը նկատի ունի կապիտալի նախասկզբնական կուտակման մեթոդները): Այս բնորոշը, յուրահատուկը նույնպես բացակայում է ընկ. Վ. Չալոյանի ֆորմուլայի մեջ: Կարելի է բերել շատ վկայություններ Մարքսից ու Հենինից՝ կապիտալի նախասկզբնական կուտակման մասին, որոնք արմատապես տարբերվում են ընկ. Վ. Չալոյանի սահմանումներից և որոնք հենց շեշտում են այն բնորոշը, որը յուրահատուկ էր նախասկզբնական կուտակման պրոցեսին:

Այսպես՝ անդրադառնալով կապիտալի նախասկզբնական կուտակման պրոցեսի բացահայտմանը Կ. Մարքսը նշում է. «Այսպիսով. կապիտալիստական հարաբերություն ստեղծող պրոցեսը ուրիշ բան չի կարող լինել, բայց եթե բանվորին իր աշխատանքի պայմանների սեփականությունից անջատելու պրոցեսը, — մի պրոցես, որը մի կողմից հասարակական արտադրության միջոցները և կենսամիջոցները դարձնում է կապիտալ, մյուս կողմից անմիջա-

¹ Կ. Մարքս, Կապիտալ, հատ. I, էջ 794:

կամ արտադրողներին դարձնում է վաճառի բանվորներ, հետևաբար, այսպես կոչված նախասկզբնական կուտակումը ոչ այլ ինչ է, եթե ոչ արտադրողին արտադրության միջոցներից ունջատելու պատմական պրոցես: Նա «նախասկզբնական» պրոցես է, որովհետև կազմում է կապիտալի և նրան համապատասխանող արտադրության եղանակի նախապատմությունը¹: Կ. Մարքսը բացահայտում է այդ նախապատմության բովանդակությունը և շեշտում այդ պրոցեսի երկու կողմը—բևեռացումը. մի կողմից արտադրողների մասսայական ունեզրկումը և վարձու բանվորներ դարձնելը, մյուս կողմից՝ հասարակական արտադրական միջոցների կապիտալի վերածումը: Նման բովանդակություն բացահայտելուց հետո է միայն, որ Մարքսը անում է իր եզրակացությունը: Վերլուծության տվյալ աստիճանում Մարքսը շեշտը դնում է պրոցեսի մի կողմի վրա, անդրադառնալով հաջորդ ենթագլուխներում պրոցեսի մյուս բևեռի վրա—կապիտալի, կապիտալիստական դասակարգի ծագման վրա այդ ժամանակաշրջանում: Վերլուծության այդ աստիճանով է պայմանավորված Մարքսի կողմից շեշտադրումը պրոցեսի մի կողմի վրա, «երբ մարդկանց ահագին մասսաներ հանկարծակի ու բռնությամբ կտրվում են իրենց զոյություն միջոցներից և աշխատանքի շուկա են նետվում որպես օրենքից դուրս հայտարարված պրոլետարները»²: «Այսպես կոչված նախասկզբնական կուտակումը» գլխի շորերոդ, հինգերորդ և վեցերորդ ենթագլուխներում Կ. Մարքսը բացահայտում է նախասկզբնական կուտակման պրոցեսի երկրորդ կողմը—հասարակական արտադրական միջոցների կապիտալի վերածումը, կապիտալիստական ֆերմերի և արդյունաբերական կապիտալիստի ծագումը՝ նույնպես այդ ժամանակաշրջանին հատուկ բռնի, արյան և այլ կեղտոտ մեթոդներով: Կ. Մարքսը միշտ էլ շեշտել է «ժողովրդական մասսաների փոխարկումը վարձկանների և նրանց աշխատանքի միջոցների փոխարկումը կապիտալի»³ որպես նախասկզբնական կուտակման անբախտելի կողմեր. բևեռներ: Նույն բևեռացումը, կամ նախասկզբնական կուտակման երկու կողմերն էլ շարադրում Վ. Ի. Լենինը 1913 թ. գրած իր «Կարլ Մարքս» հոդվածում, երբ ձևակերպում է կապիտալի նախասկզբնական կուտակման էությունը. «նախասկզբնական կուտակումը ստեղծում է մի բևեռում «ազատ» պրոլետար, մյուս բևեռում՝ փողատեր, կապիտալիստ»⁴:

Մինչդեռ ընկ. Վ. Չալոյանը կտրականապես պնդում է, որ կապիտալի նախասկզբնական կուտակումը փոխարկումը չէ վաճառի բանվորների⁵, այլ «արտադրողների զրկվելը արտադրության միջոցներից, այսպես ասած ՎԵՐՔՆ-ի, պրոլետարիատի այդ նախնիների առաջացումը քաղաքներում»⁶:

Ընթերցողը զգում է անշուշտ տարբերությունը. Մարքսը, Լենինը բացահայտում են. մանր արտադրողների բռնի անջատումը արտադրության միջոցներից և նրանց վերածումը պրոլետարների, նրանց նետումը աշխատանքային շուկան, նրանց փոխարկումը վարձու բանվորների, որը բնորոշ էր միայն պատմական որոշ ժամանակաշրջանի՝ կապիտալի նախասկզբնական կուտակ-

¹ Կ. Մարքս, Կապիտալ, հատ. 1, էջ 747:

² Նույն տեղում, էջ 749:

³ Նույն տեղում, էջ 753:

⁴ Վ. Ի. Լենին, Երկեր, հատ. 2, էջ 67:

⁵ «Տեղեկագիր», 1958, № 11, էջ 106:

⁶ Նույն տեղում, էջ 103:

ման ժամանակաշրջանի համար: Ընկ. Վ. Չալոյանը բացահայտում է—արտադրողների զրկվելը արտադրության միջոցներից և ՎԵՐՈՒՆ-ի առաջացումը քաղաքներում, որը սովորական հրեույթ էր և՛ հին աշխարհում, և՛ Հռոմում, և՛ ամբողջ միջնադարում: Ընկ. Բ. Առաքելյանը, մեջ բերելով Մարքսի և Էնգելսի ասածները, հանդամանորեն բացահայտեց այդ ՎԵՐՈՒՆ-ի առաջացման պատճառները և տարբերությունը այդ ՎԵՐՈՒՆ-ի և սլոլետարի միջև¹: Այդ ՎԵՐՈՒՆ-ի երևան գալը թե՛ հին աշխարհում (հիշենք անտիկ աշխարհի լուսմբեն սլոլետարիատին) և թե՛ միջնադարում «սոխոսափելի էր ամեն քաղաքի ձևավորման ժամանակ» (Ֆ. Էնգելս), «օրավարձով աշխատողների կարիքը քաղաքներում—ստեղծեց սեագործների ամբոխը (ՎԵՐՈՒՆ) (Կ. Մարքս)» Թե՛ հին աշխարհում, թե՛ ամբողջ միջնադարում միշտ էլ տեղի է ունեցել շահագործվողների փախուստը դեպի քաղաք. «ամբողջ միջնադարի ընթացքում անընդհատ շարունակվում է ճորտերի փախուստը քաղաք» (Կ. Մարքս)² և քաղաքներում ՎԵՐՈՒՆ-ի առաջացումը: Հենց ինքը ընկ. Վ. Չալոյանը հայտնում է, որ «գյուղացիների դաժան շահագործումը նրանց հասցնում էր աղքատացման, իսկ դրա հետևանքով նրանք փախչում էին գյուղերից»³: Ուրեմն ինչի՞ հետևանքով էին այդ ճորտացման ենթակա գյուղացիները փախչում գյուղերից դեպի քաղաք. ընկ. Վ. Չալոյանի պատասխանն է.— դաժան շահագործման և աղքատացման պատճառով: Սակայն դա նախասկզբնական կուտակման ժամանակի սլոլետներ չէ, երբ ոչ թե ճորտ (նախասկզբնական կուտակման ժամանակաշրջանը տեղի է ունենում ճորտատիրության վերացման պայմաններում), այլ մանր ինքնուրույն արտադրողն էր ԲՈՒՆԻ ԿԵՐԱՎՈՎ անջատվում արտադրության միջոցներից, նետվում աշխատանքի շուկան, որպես իր աշխատուժը վաճառող «ազատ սլոլետար» և որը օգտագործվում էր ծավալվող կապիտալիստական ձեռնարկություններում (մանուֆակտուրաներում, գյուղատնտեսությունում մեջ), ստեղծում հավելյալ արժեք, որպես արդեն կապիտալի կուտակման միակ աղբյուր:

Այս կասկածիցությունը չենք կարող մեր դարմանքը չհայտնել ընկ. Վ. Չալոյանի՝ Մարքսին վկայակոչելու էզանակի առթիվ: Ընկ. Վ. Չալոյանը գրում է, որ կապիտալի նախասկզբնական կուտակումը «ստրուկների ու ճորտերի անմիջական փոխարկումը չէ վարձու բանվորներին»⁴, չակերտների մեջ բերածը ըստ ընկ. Չալոյանի պատկանում է Մարքսին: Իրոք, այդ ԲԱՈՒՆԵՐ կան Մարքսի մոտ, բայց ահա թե ինչ կասկածիցություն: «Կապիտալի կուտակման պատմական տենդենցը» ենթադրվում, որտեղ Մարքսին հետաքրքրում է սեփականության ձևերի պատմական էվոլյուցիան և հեռանկարները, սկսվում է հետևյալ կերպ. «Այսպես ուրեմն, ինչի՞ն է հանգում կապիտալի նախասկզբնական կուտակումը, այսինքն նրա պատմական ծագումը: Որչափով նա ստրուկների և ճորտերի անմիջական փոխարկումը չէ վարձու բանվորների, և, հետևապես, ձևի հասարակ հաջորդափոխումը չէ, նա նշանակում է միայն անմիջական արտադրողների սեփականազրկում, այսինքն սեփական աշխատանքի

¹ Բ. Առաքելյան, «Տեղեկագիր», 1956, № 6, էջ 96:

² Նույն տեղում, բերվում է ընկ. Բ. Առաքելյանի կողմից:

³ «Տեղեկագիր», 1958, № 11, էջ 108:

⁴ Նույն տեղում, 1955, № 1, էջ 93:

վրա հիմնված մասնավոր սեփականության քայքայում»¹։ Այս մեջբերումն անելով ընկ. Վ. Չալոյանը նախ դուրս է դրում «որչափով» բառը, և ապա շեշտը դնում է նրա վրա, որ իբր թե լստ Կ. Մարքսի կապիտալի, նախասկզբնական կուտակման ժամանակ առկա էին ունենում վարձու բանվորների սուղաջնջում։ Մինչդեռ Կ. Մարքսն այլ բան է ասում, նա նշում է, որ կապիտալի նախասկզբնական կուտակման ժամանակ տեղի է ունենում ոչ թե ճորտի անմիջական փոխարկումը վարձու բանվորի, այլ ճորտությունից ազատագրված արտադրության միջոցների ինքնուրույն սեփականատիրոջ, անմիջական արտադրողների սեփականադրվումը և այդ ձևով, այդ միջոցով—վարձու բանվոր դառնալու Կ. Մարքսն այստեղ ոչ թե հերքում է պրոցեսի հետևանքը—փոխարկումը վարձու բանվորների, այլ մատնանշում է նաև դարդադման այն ուղիները, երբ ճորտը ազատագրվում է ճորտությունից, դառնում ինքնուրույն արտադրող, սեփականատեր, որի սեփականությունը խաբսխվում է սեփական աշխատանքի վրա և ապա բոնի կերպով անջատվում սեփական արտադրության միջոցներից և փոխարկվում վարձու բանվորի։ Ուրեմն ճորտը ոչ թե անմիջապես է փոխարկվում վարձու բանվորի, այլ միջնորդապես՝ անցնելով ազատ, ինքնուրույն արտադրության միջոցների սեփականատիրոջ փուլը։

Այսպիսով ընկ. Վ. Չալոյանի Մարքսից բերած քաղվածքը ոչ թե հերքում է կապիտալի նախասկզբնական կուտակման, որպես բևեռացման պրոցեսի մի կողմը—վարձու բանվորների, «օրենքից դուրս հայտարարված պրոլետարիատի առաջանալը», այլ րնդհակառակը, հաստատում այն։

դ) Ֆեոդալիզմի փայլուն և առևտրա-վաճառական կապիտալի դերը այդ պրոցեսում. Վ. Չալոյանը, ինչպես վերը տեսանք, ֆեոդալիզմի քայքայումը և նոր արտադրանքների սկզբնավորումը վերագրում է ֆեոդալիզմի ընդերքում ծավալվող առևտրա-վաճառական կապիտալին, որը յուրահատուկ կապեր է հաստատում արտադրության հետ։ Ըստ որում, այդ կապերի մեջ ընկ. Վ. Չալոյանը գերազանց տեղ է տալիս ֆեոդալական տիրույթների կլանմանը առևտրա-վաճառական կապիտալի կողմից. «...ֆեոդալական կալվածքները,— գրում է նա,— մեկը մյուսի հետևից դառնում էին առևտրա-վաճառական կապիտալի սեփականությունը»², «ֆեոդալների հողատիրությունը, նրանց գյուղերն ու կալվածքները դառնում էին վաճառքի առարկա, դա ոչ այլ ինչ է, եթե ոչ ֆեոդալիզմի քայքայում»³։

Որպեսզի ընթերցողը հստակ պատկերացում ունենա թե ինչպիսի՞ տարբերություն կա ընկ. Վ. Չալոյանի շարադրած դրույթի, ֆեոդալիզմի նման քայքայման ու նոր արտադրանքների անցման, և Մարքսի դրույթի միջև, բավականանք միայն մեկ մեջբերում անելով Մարքսից։ Կ. Մարքսը նկարագրում է, թե ինչպես ստրկատերը կամ ֆեոդալը՝ ծանրաբեռնվելով պարտքերով, ընկնում է վաճառականության ցանցը, ավելի շատ է յուրացնում աշխատավորության աշխատանքը, անփոփոխ լիզենզիով արտադրության եղանակը։ «Կամ վերջիվերջո նա (ստրկատերը կամ ֆեոդալ սինյորը—Ա. Ե.) իր տեղը զիջում է վաճառականին, որն ինքը դառնում է հողատեր կամ ստրկատեր, ինչպես հեծյալները հին Հռոմում։ Եին շահագործողի տեղը, որի շահագործումն ավելի կամ պակաս չափով նահասպետական էր, որովհետև ղլխավորապես քաղաքական իշ-

¹ Կ. Մարքս, Կապիտալ, հատ. 1, էջ 794 (բնագծումները մերն են—Ա. Ե.)։

² «Տեղեկագիր», 1935, № 12, էջ 102։

³ «Պատմա-բանասիրական հանդես», 1960, № 3, էջ 160։

խանության միջոց էր, հաճելու է զավիս մի խստապիւրտ, հողատենչ նորերուկ՝ Բայց ինքը — արտադրության եղանակը չի փոխվում»¹։

Ընկ. Վ. Չալոյանը մեծական ու բացառիկ նշանակություն է տալիս առևտրա-վաշխառուական կապիտալի քայքայիչ ներգործության դերին և պնդում է, թե առևտրական կապիտալի զարգացումը ինքնին քայքայում է ֆեոդալիզմը և ստեղծում կամ առաջացնում կապիտալիստական արտադրանական Այսպիսի դեր է խաղում Վ. Չալոյանը անտեսում է կամ շրջանցում է Կ. Մարքսի երկու շատ կարևոր, և քննարկվող հարցի կապակցությամբ մեծական նշանակություն ունեցող դիտողությունները Առաջին՝ «Բայց թե նա (առևտուրը—Ա. Ե.) որքան հեռու է տանում արտադրության հին եղանակի քայքայումը, այս ամենից առաջ կախված է այդ եղանակի ամրությունից և ներքին կազմությունից»², Այս դրույթը դրսևորում է Կ. Մարքսը Հնդկաստանի և Չինաստանի օրինակով՝ Երկրորդ՝ «Իսկ թե քայքայման այդ պրոցեսն ինչի՞ է հանգում, այսինքն արտադրության ի՞նչ նոր եղանակ է հնի տեղը բռնում, այս կախված է ոչ թե առևտրից, այլ հենց առևտրափոխան եղանակի բնույթից»³։ Սա շատ կարևոր դրույթ է, որը, կրկնում ենք, չի կարելի շրջանցել, այլ պետք է ճիշտ ընկալել։ Առևտրա-վաշխառուական կապիտալը զարգացել է նաև անտիկ աշխարհում ինչպես նաև միջնադարում. և ի՞նչ, անտիկ աշխարհում մաճառականական կապիտալի զարգացման հետևանքը լինում է ստրկատիրական արտադրանական, իսկ «արդի աշխարհում, ընդհակառակը, այն հանգում է արտադրության կապիտալիստական եղանակին։ Սրանից հետևում է, — նշում է Կ. Մարքսը, — որ իրենք այս հետևանքները դեռ բոլորովին այլ հանգամանքներով էլ են պայմանավորված, քան առևտրական կապիտալի զարգացումն է»⁴։

Այսպիսով Կ. Մարքսը պարզում է, որ առևտրական կապիտալի «զարգացումն ինքնըստինքյան բավարար չէ արտադրության մի եղանակի անցումը մի ուրիշ եղանակի իրագործելու և բացատրելու համար»⁵։

Անցնենք վաշխառուական կապիտալին։ Խե՛ղ՝ ստրկատիրական հասարակարգում, թե՛ ֆեոդալիզմի ժամանակ միայն վաշխառուական կապիտալի առկայությամբ ու զարգացմամբ արտադրության եղանակը չի փոխվում, սակայն, վաշխառուական կապիտալը քայքայում է թե մեծամեծներին, հողատերերին, և թե մանր արտադրողներին, արհեստավորներին, գյուղացիներին։ Այս քայքայումը, անշուշտ, հանգում է խոշոր փողային կապիտալների գոյացման ու համակենտրոնացման։ «Բայց, — նշում է Կ. Մարքսը, — թե այս պրոցեսն ի՞նչ չափով է վերացնում արտադրության հին եղանակը, ինչպես որ այս տեղի ունեցավ արդի Եվրոպայում, և թե արդյո՞ք նրա տեղը բռնում է արտադրության կապիտալիստական եղանակը, այդ ամբողջովին կախված է պատմական զարգացման աստիճանից և սրա հետ կապված կոնկրետ հանգամանք-

¹ Կ. Մարքս, Կապիտալ, հատ. III, մաս II, էջ 139 (ընդգծումները մերն են — Ա. Ե.)։

² Նույն տեղում, մաս I, էջ 319։

³ Տե՛ս Նույն տեղում, էջ 320—321։

⁴ К. Маркс. Капитал, т. 3, 1951, էջ 344 (ընդգծումը մերն է — Ա. Ե.)։

⁵ Կ. Մարքս, Կապիտալ, հատ. III, մաս I, էջ 319։

⁶ Նույն տեղում, էջ 313—314։

⁷ Նույն տեղում, մաս II, էջ 139։

ճեղքում»¹։ Պետք է ասել, որ այս դրույթը Կ. Մարքսը շատ անգամ է շեշտում և «Կապիտալում», և իր շատ այլ աշխատություններում։

Իր «Կապիտալիստական արտադրությանը նախորդող ձևերը» ձեռագիր աշխատության մեջ, որի մի մասը հրատարակվեց 1939 թ., Կ. Մարքսը, նորից անդրադառնալով առևտրական ու վաճառական կապիտալի դերին, կապիտալ, որն ուներ փողային հարստության ձև, նշում է. «Սակայն, սոսկ փողային հարստության առկայությունը և նույնիսկ նրա մի հայտնի աստիճանի նվաճած տիրապետությունը բնավ բավական չէ նրա համար, որպեսզի տեղի ունենա այդ փոխարկումը կապիտալի։ Այսպես հին Հռոմը, Բյուզանդիան և այլն. կվերջացնեին իրենց պատմությունը ազատ աշխատանքով և կապիտալով, կամ ավելի ճիշտ, դրանցով կսկսեին նոր պատմություն»²։

Որպեսզի առևտրա-վաճառական կապիտալը դառնա արտադրության նոր եղանակի «կազմիչ միջոց», անհրաժեշտ են այլ հանգամանքներ, կամ, ինչպես դիտում էր Կ. Մարքսը, դա «կախված է պատմական զարգացման աստիճանից ու սրա հետ կապված կոնկրետ հանգամանքներից»։ Որո՞նք են պատմական զարգացման որոշ աստիճանի հետ կապված կոնկրետ հանգամանքները։ Այդ հանգամանքներն են. աշխարհագրական մեծ հայտնագործությունները, համաշխարհային շուկայի հանկարծակի ընդարձակումը, շրջանառության ընդլայնումը, զաղմուկի սխտեմը և այլն, որոնք ռևոլյուցիա առաջացրին առևտրի մեջ և հուժկու թափ հաղորդեցին վաճառականական կապիտալի զարգացմանը, հարստության փողային ձևի կուտակմանը։ Սա հանգամանքների դասավորումն էր մի բևեռում։

Ի՞նչ հանգամանքներ դասավորվեցին մյուս բևեռում. աշխատավորության, մանր արտադրողների բռնի և մասսայական անջատումը ուսիական արտադրամիջոցներից և նրա վերածումը ազատ վարձու բանվորի։ Պատմական այս հանգամանքների առկայությունն է, որ կուտակված փողային հարստությանը—առևտրական կամ վաճառական հարստությանը փողի ձևով—օժանդակում, նպաստում է «դառնալ կապիտալ»։

Այսպիսով, առևտրա-վաճառական կապիտալը ոչ թե իր ինքնուրույն զարգացման հետևանքով քայքայեց ֆեոդալիզմը և խթան հանդիսացավ կապիտալիստական արտադրանքների առաջացման, կամ ֆեոդալիզմից կապիտալիզմին անցման, այլ պատմական այդ հանգամանքների առկայության պայմաններում—շուկաների հանկարծակի ընդլայնում, գաղութային սխտեմ, գյուղացիության ունեզրկում և վերածում պրոլետարների,— հսկայական չափերով ուժեղացավ, զարգացավ և միաժամանակ տիրապետեց արտադրությանը, միացնելով «ձեռքերի մասսան գործիքների մասսային, որոնք առաջուց իսկ առկա էին»։ Ահա այս դեպքում միայն առևտրա-վաճառական կապիտալը կամ փողային կապիտալը, փողային հարստությունը, տիրապետելով արտադրությանը, վերածվելով իսկական կապիտալի՝ արդյունաբերական կապիտալի, ծավալելով այս նոր կապիտալիստական արտադրական հարաբերությունները—քայքայում է վերջնականապես ֆեոդալիզմը և ամրապնդում նոր, կապիտալիստական արտադրանակը, ապահովում անցումը հին

Կ. Մարքս, Կապիտալ, հատ. III, մաս II, էջ 137 (ընդգծումը մերն է—Ա. Ե.)։

113 неопубликованных рукописей К. Маркса, «Пролетарская революция», 1939, № 3, էջ 179 (ընդգծումը մերն է—Ա. Ե.)։

² Նույն տեղում, էջ 180։

Ֆեոդալական արտադրանքների գնի նոր, կապիտալիստական արտադրանքների:

1. Գրույմեն, որոնք իրոք անընդունելի են: Վերջերս հրապարակած իր «նորից կապիտալի նախասկզբնական կուտակման և հարակից հարցերի մասին» հոդվածում՝ ընկ. Վ. Չալոյանը բացասում է ակադեմիկոս Աշոտ Հովհաննիսյանի կողմից առաջադրված մի շարք կարևոր դրույթներ, համարելով դրանք «անընդունելի» և «սխալ» «մարքսիզմի տեսակետից»: Ընդհանուր ժամում ընկ. Վ. Չալոյանի այս դնահատականը. ավելին, մենք գտնում ենք, որ ընկ. Աշոտ Հովհաննիսյանի «Արդյոք միջնադարյան Հայաստանում տեղի է ունեցել կապիտալի նախասկզբնական կուտակում» հոդվածը² իր մեթոդոգիական մոտեցմամբ և փաստերի մարքսիստական-լենինյան դնահատմամբ արժեքավոր և միանգամայն ընդունելի է:

Անշուշտ ընկ. Աշոտ Հովհաննիսյանը կարիքը չունի որևէ մեկի սուաշտպանության: Եվ եթե մենք «միջամտում ենք» առաջադրված այդ հարցերի շուրջը ծագած բանավեճին, ապա միայն այն պատճառով, որ տեսնում ենք, թե ինչպես «օրը ցերեկով» տեղի են ունենում հարձակումներ ընդհանրական դարձած ու ճանաչված դրույթների վրա:

Ընկ. Աշոտ Հովհաննիսյանը իր հոդվածում առաջադրել էր հետևյալ դրույթը. «Բհարկի, կապիտալի նախասկզբնական կուտակման պրոցեսը չի կարելի նույնացնել կապիտալի կուտակման նորմալ պրոցեսի հետ. այս չի նշանակում սակայն, թե այդ պրոցեսները իրարից տարանջատված են դարձրի անջրպետով, ինչպես այդ պատկերացում են մեր տեսաբաններից ոմանք: Նախասկզբնական կուտակման պրոցեսը ոչ միայն նախորդում է, այլև պատմականորեն միադրվում է կապիտալի կուտակման, այլ խոսքով, կապիտալիստական արտադրության և վերարտադրության նորմալ պրոցեսի հետ»³:

Պետք է ասել, որ դիսկուսիայի ժամանակ այս նույն թեզը պաշտպանել է զեռես 1956 թ. ընկ. Բ. Առաքելյանը, ասելով. «Կապիտալի նախասկզբնական կուտակումը ժամանակագրորեն համընկնում է ֆեոդալիզմի ընդերքում կապիտալիստական արտադրական հարաբերությունների առաջացման, կապիտալիստական մանուֆակտուրայի առաջացման ժամանակաշրջանի հետ»⁴:

Նույն թեզն է պաշտպանել իր «Հայկական վերածնության հարցի շուրջը» հոդվածում ընկ. Հ. Գարրիելյանը, ուր նա կապիտալի նախնական կուտակումը հենց կապիտալիզմի նախնական դարդացումն է համարում⁵:

Հակառակ վերը բերած դրույթներին, ընկ. Վ. Կ. Չալոյանը նկատում է. «...Անհնարին է պատկերացնել կապիտալի նախասկզբնական կուտակման և կապիտալի կուտակման «միադրումը»: Ասել, որ դրանք իրարից «տարանջատված» չեն «դարերի անջրպետով», նույնպես սխալ է»⁶:

Ընկ. Վ. Չալոյանը այդ, իր կողմից հայտնաբերած սխալը չի բացահայտում և չի հիմնավորում որևէ պատմական տվյալով, պատմական տեղեկանքով. իսկ նա պարտավոր էր այդ անել, որովհետև ընկ. Աշոտ Հովհաննիսյանը

¹ «Պատմա-բանասիրական հանդես», 1960, № 3, էջ 152—171:

² Նույն տեղում, 1959, № 1, էջ 203—223:

³ Նույն տեղում, էջ 206:

⁴ «Տեղեկագիր», 1959, № 3, էջ 101:

⁵ Նույն տեղում, № 6, էջ 94:

⁶ «Պատմա-բանասիրական հանդես», 1960, № 3, էջ 154:

շեշտում է, որ նախասկզբնական կուտակման պրոցեսը ոչ միայն նախորդում է, այլ պատմականորեն միազոդվում է կապիտալի կուտակման, այլ խոսքով, կապիտալիստական արտադրության և վերարտադրության նորմալ պրոցեսի հետ»:

Իր տեղում մենք քննարկեցինք թե արդյո՞ք կապիտալի նախասկզբնական կուտակման պրոցեսը սահմանափակվում է միայն ֆեոդալիզմի շրջանակներով. տեսանք, որ նախասկզբնական կուտակման և կապիտալիստական արտադրանքի սկզբնավորման մեջ «դարերի անջրպետ» չկա, այլ կա իրոք միայն «միազոդում»:

Ընկ. Վ. Չալոյանը հերքում է «միազոդման» թեղը — ելնելով նախասկզբնական կուտակման իր կոնցեպցիայից: Ընկ. Վ. Չալոյանի կոնցեպցիայով ստացվում է, թե դարերի ընթացքում տեղի է ունենում հարստությունների կուտակում մի բևեռում և դարերի ընթացքում էլ ունեզրկում՝ մյուս բևեռում և այդ դարերն անցնելուց հետո միայն այդ բևեռները ինչ-ինչ պատճառով միանում են, որով և սկսվում է կապիտալիստական արտադրանքի դարադրույթը: Ամենամեծ «զիջումը», որ անում է ընկ. Վ. Չալոյանը դա հետևյալն է. «Միանգամայն ճիշտ կլիներ ասել, որ նախասկզբնական կուտակումը միայն պոտենցիալ կերպով, բայց բնավ ոչ իրականում, իր մեջ կրում է կապիտալիստական կուտակումը... «Առևտրա-վաշխառուական բուրժուազիան և քաղաքային ազատ շրավորությունը, որոնք միայն պոտենցիալ կերպով, բայց բնավ ոչ իրականում հանդիսանում են արտադրության կապիտալիստական եղանակի հիմնական անտազոնիստական դասակարգերը»¹:

Իրավացիորեն հարց է ծագում. մինչև ե՞րբ են մնում «պոտենցիայի» մեջ կուտակված փողային հարստությունները և արտադրության սրջոցներից անջատված աշխատավորական հոծ մասսաները: Ընդունենք մի բոս, որ փոքրամասնության ձևերին կուտակված հարստությունը կարող էր «գարերով» մնալ «պոտենցիայի» մեջ: Իսկ ունեզրկված մասսան՝ կարող է՞ր արդյոք նա «դարերով» մնալ «պոտենցիայի» մեջ. բայց ո՞րտեղից և ի՞նչ ճանապարհներով կարող էր հայթայթել այդ մասսան իր ապրուստի միջոցները: Անշուշտ քաղաքային համարությունները չէին կարող կլանել նրան, իսկ հողատիրական կալվածքներում տիրում էր ճորտային աշխատանքը. ո՞րտեղ օգտագործվեց այդ մասսան, ընկ. Վ. Չալոյանի կոնցեպցիան այս հարցին պատասխան չի տալիս. մինչդեռ Կ. Մարքսի կոնցեպցիան այդ պատասխանը տալիս է. «Արտադրության նախկին եղանակների և բանվորի դեպի աշխատանքի օրյեկտիվ պայմաններն ունեցած հարաբերության եղանակների փափայման ժամանակները անվիճելիորեն հանդիսանում են նույն այն ժամանակը, երբ փողային հարստությունը... փոխարկվում է կապիտալի»². Կուտակվող փողային կապիտալը սիստեմատիկաբար հոսեց դեպի արտադրություն. ունեզրկված, բռնի կերպով արտադրության միջոցներից անջատված աշխատավորների հոծ մասսան դիմեց նույնպես դեպի արտադրություն. ուժեղ թափ ստացան արդեն ցեխերի կողքին առաջացած, գոյություն ունեցած մանուֆակտուրաները և գյուղատնտեսական կապիտալիստական ֆերմաները:

¹ «Տեղեկագիր», 1953, № 12, էջ 103.

² Журнал «Пролетарская революция», 1939, № 3, էջ 176 (ընդգծումը Մարքսինն է):

Այդ միադրոման մասին է նշում Մարքսը, երբ դրում է. «Գաղութային սխտեմ, պետական պարտքեր, հարկերի ճնշում, հովանավորման սխտեմ, առևտրական պատերազմներ և այլն,— բուն մանուֆակտուրային ժամանակաշրջանի այս ընձյուղները վիթխարի չափերով աճում, տարածվում են խոշոր արդյունարևրության մանկական շրջանում»¹։

XV դարի վերջերից սկսվող մի դարաշրջան էր դա, երբ աշխարհագրական հայտնագործությունների հետևանքով տեղի ունեցան շուկաների շեշտակի լայնացում, առևտրի ուժեղ վերելք, ֆեոդալական ղինախմբերի ցրում, գյուղացիության ունևորկում, քաղաքների արհեստագործության համքարությունների և գյուղական արդյունարևրության զարդացում, դա մի անցման շրջան էր, երբ կուտակված փողային կապիտալը օդտագործելով առկա (այդ) նախադրյալները, ներդրվեց արտադրության մեջ, ներդրավելով ունևորկված մասսաներին։

Իհարկե, արտադրությունը, մանուֆակտուրաները կամ ֆերմաները միանդամից և ամբողջովին չլիանեցին հոծ մասսաներին. «Ֆեոդալական ղինախմբերի ցրման հետևանքով վտարված և ցնցումներով իրագործվող բոնի սեփականադրկության միջոցով հողից պոկված մարդիկ, օրենքից դուրս հայտարարված այդ պրոբլետարիատը—ամենևին նույնպիսի աբագուրյամբ չէր կլանվում զարգացող մանուֆակտուրայի կողմից. ինչպես արագ լույս աշխարհ էր զալիս»²։ Արտադրության միջոցներից և կենսական միջոցներից սեփականադրկված մասսաների գոյության միակ ադրյուրը կարող էր լինել կամ իրենց աշխատուժի վաճառումը, կամ մուրացկանությունը, ավադակությունը, թափառչրչիկությունը։ Պատմականորեն, ասում է Մարքսը, հաստատված է, որ իրենց սովորական կենսաշաղից հանկարծակի դուրս քաշված մարդիկ, չկարողանալով հարմարվել ռոր կացության կարդապահությանը», փորձեցին զբաղվել վերջիններով, այսինքն—մուրացկանությամբ, ավադակությամբ, թափառչրչիկությամբ։ «Բայց այդ ուղուց նրանք կախադանների, անարդանքի սյունների ու մտրակների միջոցով քշվեցին դեպի աշխատանքի շուկան տանող նեղ ճանապարհը»³։

Այսպիսով, սխալ է «դարերի անջրպետ» դնել նախասկզբնական կուտակման և կապիտալիստական արտադրանդանակի սկզբնավորման միջև։

Անցնենք ընկ. Վ. Չալոյանի վիճարկած երկրորդ դրույթին։

«Հեղինակը (ընկ. Աշոտ Հովհաննիսյանը—Ա. Ն.) սխալվում է,—դրում է ընկ. Վ. Չալոյանը,— երբ «փոխանակային հարաբերությունների ոլորտը» անջատում է արտադրական հարաբերությունների ոլորտից։ Նա մոռանում է, որ այդ երկուսը մեկ միասնական պրոցեսի իրողություններ են, որ մեկը առանց մյուսի տեղի ունենալ չի կարող»⁴։

Մեղ թվում է, որ ընկ. Չալոյանը իրարից չի տարբերում երկու հարաբերակցություն. բաշխման հարաբերությունների և արտադրական հարաբերությունների հարաբերակցությունը և փոխանակային հարաբերությունների ոլորտի և արտադրական հարաբերությունների ոլորտի հարաբերակցությունը։

¹ Կ. Մարքս, Կապիտալ, հատ. I, էջ 790։

² Նույն տեղում, էջ 767 (ընդգծումները մերն են—Ա. Ն.)

³ Журнал «Пролетарская революция», 1939, № 3, էջ 180։

⁴ «Պատմա-բանասիրական հանդես», 1960, № 3, էջ 133։

Երբ Մարքսը խոսում է հասարակական արտադրության և վերարտադրության պրոցեսի մասին, այո, նա նշում է, որ տվյալ բաշխման հարաբերությունները պայմանավորված են և արտահայտություններն են պատմականորեն որոշակի արտադրական հարաբերությունների: Այսպես, կապիտալիստական հասարակարգում բաշխման հարաբերություններ են—աշխատավարձ, շահույթ, ռենտա, այս հարաբերությունները պայմանավորված են կապիտալիստական արտադրական հարաբերություններով—կապիտալիստ և բանվոր, հավելյալ արժեքի արտադրություն, շահագործում: «Կապիտալիստական բաշխումը տարբեր է բաշխման այն ձևերից, որոնք առաջանում են արտադրության այլ եղանակներից և բաշխման ամեն մի ձև անհայտանում է արտադրության այդ որոշակի ձևի հետ միասին, որին նա համապատասխանում է և որից նա բխում է»¹:

Ընկ. Վ. Չալոյանը ճիշտ կլիներ, եթե իր սահմանումը, այն է՝ «այդ երկուսը միասնական պրոցեսի իրողություններ են», տարածեր բաշխման հարաբերությունների և արտադրական հարաբերությունների հարաբերակցության վրա: Բայց նա սխալվում է, երբ այդ սահմանումը տարածում է փոխանակային և արտադրական ոլորտների վրա, և գտնում, որ սխալ է փոխանակային հարաբերությունների ոլորտը անջատել արտադրական հարաբերությունների ոլորտից:

Տեսնենք անջատում է արդյոք 4. Մարքսը փոխանակային ոլորտը արտադրության ոլորտից: «Կապիտալի, իրրե վաճառականական կապիտալի ինքնուրույն ու գերակշռող զարգացումը նշանակում է, որ արտադրությունը դեռ կապիտալին չի ենթարկված, համազոր է ուրեմն կապիտալի մի այնպիսի զարգացմանը, որը կատարվում է արտադրության հասարակական մի ձևի ոչատվանդանի վրա, որը նրան օտար ու նրանից անկախ է, հետևաբար, վաճառականական կապիտալի ինքնուրույն զարգացումը հակառակ հարաբերական է հասարակության տնտեսական ընդհանրական զարգացման նկատմամբ»²: Ի՞նչ է հետևում այստեղից. պատմական որոշ ժամանակաշրջանում, վաճառականական կապիտալի, առևտրի, առևտրական հարաբերությունների, փոխանակային հարաբերությունների շարժումը, զարգացումը կարող է տեղի ունենալ այնպիսի արտադրական հարաբերությունների պատվանդանի վրա, որոնք օտար ու անկախ են այդ փոխանակային հարաբերություններից, օրինակ, երբ առևտուրը, փողի և ասրանքի շրջանառությունը, սպասավորում է արտադրության ամենատարբեր կազմակերպություն ունեցող ոլորտներ, հնադարյան համայնական տնտեսությունը, անտիկ աշխարհի արտադրողների, ստրկատիրական տնտեսությունը և այլն:

4. Մարքսը հենց այդ անջատումը բառն էլ է գործածում. «Վաճառականի ինքնուրույն կարողությունը, իրրե կապիտալի տիրապետող ձև, ներկայացնում է շրջանառության պրոցեսի անջատումը նրա ծայրաթևերի հանդեպ, իսկ այս ծայրաթևերը հենց իրենք փոխանակություն անող արտադրողներն են: Այս ծայրաթևերը պահպանում են իրենց ինքնուրույնությունը շրջանառության պրոցեսի հանդեպ, իսկ այս պրոցեսն էլ նրանց հանդեպ: Արդյունքն այստեղ առևտրի շնորհիվ է ապրանք դառնում: Այստեղ առևտուրն է, որ արդյունքները կերպարանափոխելով ասրանքների է փոխարկում, և ոչ թե արտադրված ապ-

¹ 4. Մարքս, Կապիտալ, հատ. III, մաս II, էջ 424:

² Նույն տեղում, մաս I, էջ 314:

րանքն է, որի շարժումն առևտուր է դոյացնում»¹։ Այսպիսով տեսնում ենք, որ սլատմական դարդացման սլոոցեսում եղել է ժամանակ, երբ շրջանառության ոլորտը անջատված է եղել արտադրության ոլորտից։ «Շրջանառության այս անջատումը, որի սլայմաններում արտադրության ոլորտները միմյանց հետ շաղկապվում են մի երրորդ անդամի միջոցով», արտահայտում է առաջինը—որ շրջանառությունը դեռ չի տիրացել արտադրությանը, «այլ նրան հարարերում է իրրև դրսից տրված նախադրյալի» և երկրորդ, որ «արտադրության սլոոցեսը դեռ իր մեջ չի ըսողորկել շրջանառությունն իրրև մի սոսկական մոմենտ»²։ Ինչսլես տեսնում ենք, շրջանառության ոլորտի և արտադրական ոլորտի հարարերակցությունը, կամ փոխանակային և արտադրական հարարերությունների հարարերակցությանը Կ. Մարքսը ցոցարերում է կոներետ սլատմական մոտեցում։ Եղել են դարաշրջաններ, երբ շրջանառության ոլորտը անջատված է եղել արտադրության ոլորտից, մինչդեռ կապիտալիստական արտադրական եղանակի ժամանակ փերջ է տրվում այդ անջատմանը. առևտրական կապիտալը դադարում է իր իներուրույն շարժումից, դրկվում իր շահույթի նախակապիտալիստական ադրյուրներից, նա դառնում է արդյունարերական կապիտալի շարժման ձևերից մեկը և նրա շահույթի ադրյուրն է հանդիսանում հավելյալ արժեքի մի մասը։

Երրորդ դրույթը։ Ընկ. Վ. Չալոյանը քննադատում է ընկ. Աշոտ Հովհաննիսյանի կողմից բերված հետեյալ արտահայտությունը. «Կապիտալիստական հարարերությունների դարդացման ելակետը, Մարքսի ուսուցման համաձայն, բանվորի ստրկացումն է»³։ Ընկ. Վ. Չալոյանը, չբերելով մեջբերման շարունակությունը, որտեղ ընկ. Աշոտ Հովհաննիսյանը բացահայտում է այդ միտքը, դտնում է, որ դա մարքսիստական չէ։

Նախ—ոմ արտահայտությունն է «բանվորի ստրկացում» արտահայտությունը։ Այս նույն կոներետի մեջ—դա Մարքսի դորժածած արտահայտությունն է և այն էլ ոչ մեկ անդամ. «ինչսլես փարձու բանվորին, այնսլես էլ կապիտալիստին ստեղծած դարդացման ելակետը բանվորի ստրկուրյունը եղավ»⁴, կամ՝ «Բայց կապիտալիստական արտադրությունը սլահանջում էր ընդհակառակը, հենց ժողովրդական մասսաների ստրկական դրություն»⁵։ Իհարկե ոչ Մարքսը և ոչ էլ նրա դրույթը շարադրող ընկ. Աշոտ Հովհաննիսյանը «բանվորների ստրկություն», կամ «ժողովրդական մասսաների ստրկական դրություն» արտահայտության մեջ չեն դնում այն բովանդակությունը, ինչ որ փերադրում է ընկ. Վ. Չալոյանը իր ընդդիմախոսին։ Այս արտահայտությունը—«ստրկացում» «ստրկական դրություն»—ունի միայն մի բովանդակություն. ինչսլես ստրուկներն էին դուրկ արտադրության միջոցներից, այնսլես էլ կապիտալիստական արտադրանեղանակն էր սլահանջում այն մարդկանց առկայությունը. որոներ դուրկ են արտադրության միջոցներից. սա է ընկնանուրը ստրկական շրջանի ստրուկների և կապիտալիստական շրջանի սլրուկետարների միջև։ Բայց այդ ընդհանուրը նշելուց հետո Մարքսը և նրա դրույթը շարադրող ընկ. Աշոտ Հովհաննիսյանը անմիջապես անցնում են այն տարբերուրյանը, որը կա շա-

¹ Կ. Մարքս, Կապիտալ, հատ. III, մաս I, էջ 314։

² Նույն տեղում, էջ 315։

³ «Պատմա-բանասիրական հանդես», 1989, № 1, էջ 204։

⁴ Կ. Մարքս, Կապիտալ, հատ. I, էջ 748 (ընդգծումները մերն են—Պ. Ե.)։

⁵ Նույն տեղում, էջ 752 (ընդգծումները մերն են—Պ. Ե.)։

հագործման ձևերի մեջ: Նույն հոդվածի 206 էջում ընկ. Աշոտ Հովհաննիսյանը՝ «բանվորների ստրկացումն է» նախադասությունից հետո բերում է Մարքսի խոսքերը. «Այդ զարգացումը,— գրում է Մարքսը,— բանվորի ստրկացման ձևափոխությունն է, ֆեոդալական շահագործման փոխարկումը կապիտալիստական շահագործման»¹: Նույն կոնկրետացումն է անում Մարքսը կապիտալի 752 էջում. «Եւայց կապիտալիստական արտադրությունը պահանջում էր ընդհակառակը, հենց ժողովրդական մասսաների ստրկական դրություն, հենց նրանց փոխարկումը վարձկանների և նրանց աշխատանքի միջոցների փոխարկումը կապիտալի»²:

Մենք կանգ առանք մեր հոդվածի այս ենթարաժնում միայն երեք դրույթների վրա, որոնք առաջադրվել էին ընկ. Աշոտ Հովհաննիսյանի հոդվածում և որոնք անհիմն կերպով քննադատվել են ընկ. Վ. Չալոյանի կողմից իր սլա-տասխան հոդվածում:

* * *

Ինչպես հայտնի է, բանավեճին մասնակցող հեղինակներից շատերը՝ հենվելով սկզբնաղբյուրների վրա, գտան, որ քննարկվող ժամանակաշրջանում Հայաստանում «արտադրության նոր եղանակի սաղմեր» չկային, որ այդ ժամանակաշրջանում Հայաստանում «վաղ բուրժուական հասարակության լինելիությունն պրոցես» տեղի չէր ունենում, որ X—XIII դդ. Հայաստանում տեղի էր ունենում ոչ թե սեփականատեր արտադրողների բռնի անջատումը արտադրության միջոցներից և դրանց վերածումը կապիտալի, այլ գյուղացիների փախուստը քաղաք ճորտությունից կամ ճորտացման դաժան շահագործումից, որ քննարկվող ժամանակամիջոցում Հայաստանում չեն հայտնաբերված կապիտալիստական կոոպերացիայի կամ մանուֆակտուրայի հետքեր, ոչ էլ ֆերմերական, կապիտալիստական տնտեսություններ, որ ունեղրված գյուղացիները արդյունաբերական պրոլետարների չեն վերածվել:

Բանավեճի այդ շրջանում ընկ. Վ. Չալոյանն իսկ ստիպված էր խոստովանել, որ ինքը ձեռքի տակ չունի «բավականաչափ ծանրակշիռ փաստեր, որոնք հաստատեն այդ ժամանակաշրջանում Հայաստանում արտադրության կոոպերացման նախնական ձևերի առկայությունը»³ և որ «սլատմությունը մեզ ուղղակի և ճշգրիտ հիմքեր չի տալիս այդպիսի պնդման համար»⁴: Չնայած դրան, ընկ. Վ. Չալոյանը, վերլուծելով երկրի ընդհանուր տնտեսական կյանքը, ինչպես ինքն է ասում, հիպոթեզային ենթադրություն է անում այն մասին, թե «այն ժամանակվա Հայաստանի էկոնոմիկայում անսլայման գոյություն են ունեցել սլարդ կոոպերացիան ու մանուֆակտուրան, զերազանցապես վարձու աշխատանքի հիման վրա»⁵:

Անշուշտ նախատելի կամ բացասելի չէ գիտության մեջ հիպոթեզային ենթադրություն անելը, բայց միայն մի սլայմանով, որ հետագա հետազոտու-

¹ ՏԼ՝ս «Պատմա-բանասիրական հանդես», 1959, № 1, էջ 206 և «Կապիտալ», հատ. I, էջ 748:

² Կ. Մարքս, Կապիտալ, հատ. I, էջ 753:

³ «Տեղեկագիր», 1955, № 12, էջ 99:

⁴ Նույն տեղում:

⁵ Նույն տեղում:

թյունները փաստերով, անվիճելի փաստերով հիմնավորեն, ապացուցեն այդ հիպոթեզային ենթադրությունը: Իհարկե չի կարելի կանխակալ կերպով առհասարակ բացասել որևէ երկրում, այդ թվում և Հայաստանում, անգամ X — XIII դդ., կապիտալի նախասկզբնական կուտակման հնարավորությունը, որի «սպառնալիքները», — նշում է Կ. Մարքսը, — տարրեր երկրներում տարրեր դունավորում ունի, տարրեր փուլեր է անցնում, տարրեր կարգով և տարրեր սպառնական շրջաններում»¹:

Այդ բոլորը ճիշտ է. բայց այդ բոլորը, ինչպես նաև «հիպոթեզային ենթադրությունը» պետք է հիմնավորել սկզբնաղբյուրներից վերցրած փաստերով: Միակ փաստը, որ բերեց ընկ. Վ. Չալոյանը հաստատելու համար իր «հիպոթեզային ենթադրությունը» (հռչակավոր «վերակացուի» փաստը) հերքվեց ընկ. Լ. Խաչիկյանի կողմից²:

Ընթերցողները և բանավեճին հետևողները սպասում էին, որ ընկ. Վ. Չալոյանը կամ կհամաձայնի ընդդիմախոսների հետ, այսինքն կընդունի, որ սպառնական փաստական նյութը չի հաստատում իր «հիպոթեզային ենթադրությունը» և դրանով վերջ կտրվի բանավեճին, կամ թե կշարունակի սկզբնաղբյուրների ուսումնասիրությունը, կդադարի սպառնական փաստեր, հանդես կգա դրանցով հիմնավորելու իր տեսակետը: Սակայն, ցավոք սրտի, ընթերցողների և բանավեճին հետևողների սպասումները չարդարացան. ընկ. Վ. Չալոյանը ոչ մեկն արավ և ոչ էլ մյուսը: Առ այսօր նա իր սպասարկյալ հողից չի կրկին առաջ է քաշում կապիտալի նախասկզբնական կուտակման մի յուրօրինակ տեսություն, որի վրա հիմնվելով կամենում է մի կերպ արդարացնել իր կոնցեպտիան Հայաստանում X—XIII դդ. իբր թե տեղի ունեցած կապիտալի նախասկզբնական կուտակման և Հայկական վերածնության մասին:

ВОКРУГ МАРКСОВОЙ ТЕОРИИ О ПЕРВОНАЧАЛЬНОМ НАКОПЛЕНИИ КАПИТАЛА

А. М. ЕГИАЗАРЯН

(Р е з ю м е)

Среди историков, экономистов и философов уже ряд лет продолжается дискуссия об Армянском возрождении и в связи с ним о якобы имевшем место в Армении в X—XIII вв. процессе первоначального накопления капитала.

Сторонники этой концепции, в частности тов. В. Чалоян, утверждают, что так как в рассматриваемый период в Армении происходил процесс сосредоточения богатств в руках меньшинства, обозначилось отделение производителя от средств производства и образование «черни», то следовательно, Армения X—XIII вв. переживала эпоху первоначального накопления капитала, прерванную, однако, нашествием монголов в Закавказье.

¹ Կ. Մարքս, Կապիտալ, հատ. I, էջ 749.

² «Տեղեկագիր», 1958, № 3, էջ 29—30:

Ссылаясь на работы Маркса и Ленина, автор статьи показывает, что сторонники указанной выше концепции неправильно трактуют марксову теорию первоначального накопления капитала.

В содержание первоначального накопления капитала классики марксизма вкладывали не вообще сосредоточение богатств в руках меньшинства и образование «черни» (этот процесс происходил и в античном мире, и в рабовладельческом Риме, и при феодализме, в течение всего средневековья), а тот процесс, который превращает, с одной стороны, общественные средства производства и средства жизни в капитал, а с другой стороны — непосредственных производителей в наемных рабочих; это процесс, создающий капиталистические отношения; первоначальное накопление капитала в марксистском понимании характеризуется этими специфическими и исторически обусловленными чертами.

В X—XIII вв. в Армении *такого* процесса не было, а потому рассматриваемая концепция является неверной.